

2020 yil 22 февраль
Rishton shahri

№ 254

**Тумандаги транспорт воситаларини мажбурий техник
кўрикдан ўтказиш тўғрисида**

**Ўзбекистон Республикасининг “Йўл ҳаракати
хавфсизлиги тўғрисида”ги Қонунига (Ўзбекистон
Республикаси қонун хужжатлар тўплами, 2013 й.,
15-сон, 197-модда) мувофиқ ҳамда Ўзбекистон
Республикаси Вазирлар Маҳкамасининг 2003 йил 31
январдаги “Транспорт воситаларини мажбурий техник
кўрикдан ўтказиш тартиби тўғрисидаги Низомни
тасдиқлаш ҳақида”ги 54-сонли қарори (Ўзбекистон
Республикаси қонун хужжатлар тўплами, 2003 йил
1-2-сон, 17-модда) ҳамда 2017 йил**

**22 декабрдаги 1010-сонли “Транспорт воситаларини
мажбурий техник кўрикдан ўтказиш тартибини
такомиллаштиришга доир қўшимча чора-тадбирлар
тўғрисида”ги қарори (Қонун хужжатлари маълумотлари
миллий базаси, 26.12.2017 й., 09/17/1010/0461-сон)
ижросини таъминлаш мақсадида**

Қ А Р О Р Қ И Л А М А Н:

1. Туман худудидаги мулкчилик шаклидан қатъий назар, юридик ва жисмоний шахсларга тегишли автотранспорт воситалари ва уларни тиркамалари тегишли тартибда мажбурий техник кўрикдан ўтказилсин.
2. Ўзбекистон Республикаси Вазирлар Маҳкамасининг 2017 йил
~~22 декабрдаги 1010-сонли қарорига мувофиқ 2020 йил 1 январдан бошлаб транспорт~~
воситаларини мажбурий техник кўрикдан ўтказишида жисмоний шахсларга тегишли енгил^{1 / 3}
автотранспорт воситаларининг техник ҳолати тадбиркорлик субъектлари юридик шахслар
томонидан ҳам текширилиши мумкинлиги;

2020 йил 1 январдан бошлаб жисмоний шахсларга тегишли енгил автотранспорт воситалари тадбиркорлик субъектлари юридик шахслар томонидан мажбурий техник кўриқдан ўтказилиши белгиланганлиги маълумот учун қабул қилинсин.

3. Туман Ички ишлар бўлими йўл ҳаракати хавфсизлиги гуруҳи (Н.Тожалиев)га тумандаги юридик ва жисмоний шахсларга, шу жумладан хорижий юридик ва жисмоний шахсларга тегишли бўлган транспорт воситаларининг мажбурий техник кўриқдан (кейинги ўринларда матнда “техник-кўриқ” деб юритилади) ўтказилишин учун зарур шарт-шароитларга (техник диагностика ускуналарига, кўтариш мосламаларига ёки қараб чиқиш учун чукӯрчаларга, назорат-ўлчаш асбобларига, асфальт ёки бетон қопланган бир текис горизонтал майдончага) ва малакали мутахассисларга эга бўлган ташкилотларда ва техника хизмати кўрсатиш ишларини ташкил этсин.

4. Транспорт воситалари қўйидаги даврийликка мувофиқ техник кўриқдан ўтказилсин:

а) тижорат асосида йўловчилар ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (ҳайдовчининг ўрнидан ташқари), одамларни мунтазам ташиш учун жиҳозланган юқ автомобиллари, йирик габаритли, оғир вазнли ва хавфли юкларни ташиш учун маҳсус транспорт воситалари ва уларни тиркамалари – бир йилда икки марта:

б) ишлаб чиқарилганига беш йилдан кўп бўлмаган (ишлаб чиқарилган йили хам шу жумлага киради) транспорт воситалари (мазкур банднинг “а” кичик бандида кўрсатилган транспорт воситаларидан ташқари) – икки йилда бир марта:

в) ишлаб чиқарилган йилни ҳисобга олган ҳолда ишлаб чиқарилганинига беш йилдан ортиқ бўлган транспорт воситалари, шунингдек ишлаб чиқарилган вақти аниқланмаган транспорт воситалари (мазкур банднинг “а” кичик бандида кўрсатилган транспорт воситаларидан ташқари) – бир йилда бир марта:

г) тиркамалар кўрикка транспорт воситаси-шатакчи учун белгиланган муддатларда.

5. Мазкур қарорнинг З-банди “а” кичик бандида кўрсатилган транспорт воситаларининг техник кўриги:

биринчи марта – 1 мартдан 30 июнгача:

иккинчи марта – 1 сентябрдан 31 октябргача ўтказилсин.

Юридик шахсларга қарашли бўлган транспорт воситаларининг техник кўриги 1 мартдан 30 июнгача;

Жисмоний шахсларга қарашли бўлган транспорт воситаларининг техник кўриги 1 февралдан 31 августгача ўтказилсин.

6. Тумандаги транспорт воситаларини техник кўриқдан ўтказиш комиссияси таркиби 1-иловага мувофиқ, жисмоний ва юридик шахсларга тегишли бўлган транспорт воситаларини 2020 йилга мажбурий техник кўриқдан ўтказишнинг жадвали 2-иловага мувофиқ, юридик шахсларга тегишли бўлган транспорт воситаларини 2020 йилга мажбурий техник кўриқдан ўтказишнинг жадвали 3-иловага мувофиқ тасдиқлансин.

7. Ўзбекистон Республикаси Вазирлар Маҳкамасининг 2003 йил

31 январдаги 54-сонли “Транспорт воситаларини мажбурий техник кўриқдан ўтказиш тартиби тўғрисидаги низомини тасдиқлаш тўғрисида”ги қарори
3-банди талабларидан келиб чиқиб, туман мудофаа бўлими, ички ишлар бўлими ва миллий хавфсизлик хизмати харбий бўлинмалари транспорт воситалари кўрсатиб ўтилган идоралар томонидан белгиланган тартибда мажбурий техник кўриқдан ўтказилиши назарда тутилсин.

8. Тадбиркорлик субъектлари – юридик шахсларнинг жисмоний шахсларга тегишли енгил автотранспорт воситаларининг техник ҳолатини текшириш бўйича хизматлари учун тўловларни ундирилишида вилоят ҳокимлиги томонидан тасдиқланадиган тарифларга қатъий амал қилинсин.
9. Мажбурий техник кўрик давомида комиссия таркибида иш олиб борган ходимларнинг доимий иш жойларидағи ойлик иш ҳақлари сақланиб қолинсин.
10. “Риштон ҳақиқати” газетаси таҳририяти (Йигиталиев), туман ҳокимлиги АҚТ ходими (Д.Исмоилов)га ушбу қарор туман газетасида чоп этилсин ва туман ҳокимлигининг расмий веб-сайтига жойлаштирилсин.
11. Мазкур қарор қабул қилиниши муносабати билан туман ҳокимининг 2019 йил 29 мартағи 1556-сонли қарори ўз кучини йўқотган деб ҳисоблансан.
12. Ушбу қарор расмий эълон қилинган кундан бошлаб кучга киради.
13. Мазкур қарорнинг ижросини назорат қилишни ўз зиммамда қолдираман.

Туман ҳокими

С.Солиев

2020-02-26 13:48:57